



inligtingsbrief

Abbotweg, Robindale, Randburg 2194, Privaatsak X6, Pinegowrie 2123
Tel: 011 888 4556, Faks: 011 888 1363 of 086 617 7651, unika@unika.co.za, www.unika.co.za

2 September 2019 / Nr. 28

1. UIT DIE HOOF SE KANTOOR

Wat 'n ongelooflike **gr. R-konsert** wat plaasgevind het die naweek! 'n Groot dank aan juffrou Charlene Fourie, Lené Nel, Vicky Grobler, Mercia Scrooby en Charné Brits vir al jul harde werk wat julle ingesit het. Aan Nomvula en Sarah, die personeel wat toesig gehou het, die ouers en elke leerder wat deelgeneem het, ook 'n groot dankie! Dit was verseker 'n reuse sukses en die kleinspan het mammas, pappas, oumas en oumas vermaak en baie trots gemaak. Baie dankie aan die mamma wat vir ons die volgende e-pos gestuur het, ons waardeur dit opreg:

Goeie dag

Ek wil vandag 'n groot kompliment gee aan elke liewe juffrou wat die gr.R konsert aanmekaar gesit het.

Dit was werklik 'n fantastiese konsert. Ons almal het dit vreeslik geniet. Julle kan werklik baie trots wees.


Ons as ouers is trots op ons kindertjies wat so mooi opgetree het danksy die fenominale onderwysers.

Bo en behalwe voel ek regtig trots om 'n Unika mamma te wees. Die skool en die onderwysers is ongelooflik. Beste skool vir enige kind.

Welgedaan aan almal wat betrokke was.

Baie baie dankie en lekker week vir almal.





Die lentegeure is in die lug en **Septembermaand** is hier! Mag almal 'n wonderlike nuwe seisoen beleef! Die laaste kwartaal kruip al hoe nader en ons sien uit na 'n opwindende kwartaal.

Toetse is verby vir die gr. 4 – 6'e. Welgedaan aan almal, ons hou sterk duimvas saam met julle vir goeie uitslae. Sterkte aan die gr.7-leerders wat hul laaste vak (Geografie & Geskiedenis) op Vrydag, 6 Sept. skryf. Leer hard en lewer net jul beste.

Aan al Unika se sportspanne wat verlede week deelgeneem het aan verskeie byeenkomste - welgedaan! **Baie sterkte** vir die wedstryde wat die week voorlê. Geniet dit en hou Unika se naam hoog!

Die **landloopseisoen** is verby en die landloopatlete het almal hard geoefen en die seisoen baie geniet. Baie geluk aan die volgende atlete wat die volgende plekke behaal het by Saterdag se byeenkoms: Emma de Beer D 0/10 – 46ste, Duanae Lessingh D 0/12 – 62ste, Isabel Els D 0/12 – 63ste, Jawe Dreyer D 0/13 – 55ste, Kevin Marais S 0/13 – 26ste en Johann Bührmann S 0/13 – 44ste. Daar was 100 plus atlete in elke wedloop.

Daar was ongelooflike sterk kompetisie in elke wedloop en Unika is baie trots op elkeen.

Baie geluk aan die volgende leerders wat as item- en kategorie-wenners aangewys is by die **Sentraal Gauteng Eisteddfod** in die afdeling musiek. Die leerders het op 28 Augustus opgetree tydens die GALA –aand. Lara Ainslee gr.1, Mia Greyling gr. 2, Anja Engelbrecht gr.5 en Anina Bischoff gr. 7. Dit was 'n spog geleentheid. Unika is baie trots op julle!

Toetsrooster : Derde kwartaal 2019

Datum	Graad 4	Graad 5	Graad 6	Graad 7
Vrydag 06 September				SW: Geografie & Geskiedenis

- Toetse word aan die begin van die dag geskryf. Alle leerders moet stiptelik om 07:40 begin skryf. Dit is baie steurend vir die res van die klas as iemand laat is.
- Afbakening word een week voor die tyd aan die leerders gegee. Dit verskyn dan ook op die webtuiste.
- Ouers teken toetse as leerders dit terugkry - dit is baie belangrik dat ouers kennis neem van punte.
- Vir navrae aangaande toetse - kontak eers vakonderwyser, daarna DPS.
- Indien u nog enige verdere navrae het, kontak adjunkhoof en hoof.
- Let asb. dat **konsessies** slegs vir leerders is wat deur die departement toegestaan is en waar die korrekte prosedures gevolg is:
Navrae na Juffrou Suzette O'Connell: Suzette.OConnell@unika.co.za
- **NB:** Leerders wat 'n toets mis, skryf dit die eerskomende Maandag in die kantoor, gedurende saalopening.
Navrae na Juffrou Suzette O'Connell: Suzette.OConnell@unika.co.za

2. KULTUUR & SPORT

Alle oefentye word op d6 geplaas. Inligting, wedstryde en optredes kan ook op d6 gesien word:

Tennis-Juniors

Dinsdag, 3 Sept.

- Seuns A-span teen Rivonia Primary (weg).
- Seuns B-span teen Fairland (weg).
- Seuns C-span teen Fontainebleau (tuis).

Woensdag, 4 Sept.

- Dogters B-span teen King David Sandton (weg).

A-span dogters het verskuif na 10 Sept.

Tennis-Seniors

Woensdag, 4 Sept.

- Dogters B-span teen Trinity RP (weg).

Hokkie

Dinsdag, 3 Sept.

- o/13-dogters speel by Randburg Astro teen Fairland.

Donderdag, 5 Sept.

- o/13-seuns by UJ Astro.
- Mini-hokkie seuns en dogters o/7 tot o/9 by Fairland.

Krieket

Maandag, 2 Sept.

- 1ste span teen Fairland 2 (weg).

Woensdag, 3 Sept.

- o/10B-span teen Fairland 2 (tuis).

Donderdag, 4 Sept.

- o/11A-span teen Fairland 2 (tuis).
- Mini-krieket o/7 & o/8 by Esperanza – begin 14:00.

Koor

Normale oefeninge op Donderdae na skool.

Skaak

JNW-Skaakliga 2019:

Ontwikkelingspanne- Vrydag, 13 September

Gevorderde skaak- Saterdag, 14 September

Meer inligting sal volg aan leerders wat gaan deelneem.

Eisteddfod:

Alle Sentraal-Gauteng Eisteddfod musiekuitslae vir erkenning tydens die toekenningsoggend kan na juffrou Maritza Nell gestuur word by Maritza.Nell@unika.co.za.

Stuur slegs afskrifte en maak asb. seker die simbool A / A+ is sigbaar.

3. DISKONTO BOEKUITSTALLING

Diskonto-boekuitstalling is **Dinsdag, 3 September en Woensdag, 4 September** hier vir boekverkoping. Stuur 'n geldjie saam vir die lees-liefhebbers.

4. SKOOLGELD 2019 / 2020

2019:

Baie dankie aan ouers wat gedurende 2019 getrou skoolgeld betaal het. Die laaste betaling van 2019 se skoolgeld is betaalbaar teen einde Oktober 2019. U samewerking word opreg waardeer.

2020:

Ons is tans in die begrotingsproses en skoolgeld vir 2020 word by die Algemene Jaarvergadering op 22 Oktober 2019 vasgestel. Ons herinner ouers graag aan die eerste betaling van 2020 se skoolgeld wat R2000 beloop. Ouers word gevra om hierdie betaling teen nie later as 30 November 2019 te betaal nie. Hierdie bedrag vorm deel van 2020 se skoolgeld en sal van die totale bedrag afgetrek word. Ouers wat die bedrag per debietorder wil betaal, word gevra om asb. 'n e-pos aan me. Cronje te stuur by carien.cronje@unika.co.za.

5. SOMERSDRAG

Amptelike somersdrag is vanaf Maandag, 9 Sept.

6. LOSLITDAG

Op **Vrydag, 6 September** is dit **Loslitdag**–“Casual Day”. Hierdie jaar se tema is: “**n Tyd om te skyn**”. Leerders kan by deelnemende winkels hulle plakkers koop teen R10 'n plakker. Alle gelde wat ingesamel word, gaan om lede van die publiek met gestremdhede te ondersteun. Laerskool Unika gaan ook op 6 September, **Lentedag**, vier en alle leerders kan hulle lenteklere aantrek om die koms van Lente te geniet.

7. SKOOLTOERE GR. 4-7

Die skooltoere is op hande en ons sien baie uit!

Die volgende twee dokumente van die onderwysdepartement moet voltooi wees:

1. Ouer toestemmingsbrief.
2. Mediese inligtingsvorm.

Ouers moet asb. die dokumentasie voltooi en terugstuur voor of op **Vrydag, 6 Sept.**

Neem asb. kennis dat leerders wie se gedrag nie volgens die skool se gedragskode is nie, kan hy/sy die voorreg ontnem word om te gaan toer.

8. SUPERBRU – GRAAD 7-PROJEK

Die toernooie begin 20 September en eindig op 2 November 2019. 'n Brief rakende die inligting oor die toep is op die d6 beskikbaar. Kom deel gerus saam in ons opgewondenheid!

Inskrywings wat reeds geregistreer is teen **Donderdag, 5 Sept.** gaan deel vorm van 'n gelukkige trekking wat op Donderdag, 5 Sept. by die skool gedoen sal word. Die gelukkige wenner sal 'n

Kom speel saam!

1 ...laai Superbru toep af....

2 ...betaal R300 inskrywingsgeld

E. Kruger
Capitec Spaar
1620461747
470010

Stuur bewys van betaling aan:
elize@carpediemcc.co.za
corrie@blueprint-design.co.za

3 ...ontvang toegang per e-pos sodra betaling ontvang is

BONUS:
Spesiale 2019 Rugby World Cup informasie word daagliks op die Unika Superbru toep gelaai

Suid-Afrikaanse wedstryd beamptes

Marius Jonker
Jaco Peyper

1ste prys – R5,000 2de prys – R3,000 3de prys – R1,000

Internasionale Skeidsregtertrui wen wat geteken is deur die skeidsregter, Marius Jonker.

9. SPRINGBOK WêRELDBEKER – ONDERSTEUNING

Op **Vrydag, 13 September en Vrydag, 4 Oktober** ondersteun Laerskool Unika die Springbokke met die wêreldbeker en versoek dat alle leerders 'n springboktrui, T-hemp of enige groen hemp ens. dra. Moet asb. nie onnodige aankope doen nie – solank dit groen is.

10. PROSEDURES VIR E-POSSE AAN PERSONEEL

Neem asb. kennis van die prosedures van e-posse aan personeel:

Alle **sportverwante sake** - sport@unika.co.za

Alle **akademiese sake** – Eerste aan vakonderwyser: “cc” vir Angelique Godfrey (angelique.godfrey@unika.co.za) in asook vir Elna van Zyl (elna.vanzyl@unika.co.za).

Alle **graadverwante sake** – Stuur e-pos aan graadvoogde:

Graad 4: Estelle Els (estelle.els@unika.co.za)

Graad 5: Zani Geldenhuys (zani.geldenhuys@unika.co.za)

Graad 6: Belinda Swanepoel (belinda.swanepoel@unika.co.za)

Graad 7: Neal Stevenson (neal.stevenson@unika.co.za)

Enige **ander sake** (bv. **Siekte, laat kom, algemene navrae ens.**) – (ontvangs@unika.co.za)

11. SPREEKKORE GRAAD 1-7

Al die spreekkore tree op, op **Woensdag, 11 September 2019** by die Linden Klein Teater, 44 5de Straat Linden.

Alle leerders moet korrek geklee wees in swart T-hemde, blou denims en kaalvoet. Leerders moet 'n halfuur voor hul optrede by die afrigters aanmeld.

Ons het nie baie bussies beskikbaar nie en sal bly wees as leerders meestal met eie vervoer kan ry. Tye vir optredes is as volg:

Graad 1- 15:00 , Graad 2- 15:30, Graad 3- 15:50, Graad 4- 15:50, Graad 5- 16:20, Graad 6- 16:20 en Graad 7- 16:20.

Let daarop dat die tye nie presies is nie, maar die begin van 'n tydslot is. Dus kan 'n groep in die 15:00 tydslot wees, maar eers 15:15 optree.

Kaartjies vir die optredes is kontant betaalbaar by die deur en beloop R35.00 per kaartjie.

Leerders in skooluniform is verniet.

Ons doen 'n beroep op ouers om in 'n tydslot in die saal te bly. Dit is net goeie maniere teenoor die ander leerders wat moet optree.

Vir enige navrae in die verband, kontak juffrou Maritza Nell by Maritza.nell@unika.co.za.

12. POSTE BESIKBAAR



LAERSKOOL UNIKA is 'n publieke skool in Robindale, Randburg. Medium van onderrig is Afrikaans. Die volgende vakante poste is beskikbaar vir ervare, dinamiese en toepaslike gekwalifiseerde onderwyser/es vanaf 01 Januarie 2020.

Pos 1 & 2 : SBO-Studente – 1x Grondslagfase en 1x Seniorfase (mans en dames).

Pos 3 : 1x Onderwyseres vir graad R.

Pos 4 : 1x Onderwyseres vir graad 1.

Pos 5 : 1 x Onderwyser/es vir graad 4-7 Engels/Afrikaans.

Posbenaming

Onderwyser/es met Beheerliggaam-aanstelling.

Posvereiste

- Bewese rekord van uitnemende onderrig.
- Toepaslike onderwyskwalifikasie(s).
- Uitstekende menseverhoudings, administratiewe- en organisatoriese vaardighede.
- Sport-en kultuurafrigting is 'n sterk aanbeveling.
- Toewyding en 'n liefde vir jong kinders.

CV's kan per e-pos gestuur word aan unika@unika.co.za.

Vir verdere besonderhede, kan die kantoor gekontak word by (011) 888 4556, gedurende kantoorure. Sluitingsdatum vir alle aansoeke is **Maandag, 9 September 2019**. Slegs kandidate wat op die finale kortlys geplaas word, sal vir 'n onderhoud gekontak word.

La Couronne Dental Care

Tandarts /Dental Surgeon

Dr. Ryno de Vos

011 792 2555/6

info@lacouronedental.com


168 Oak Ave, Ferndale Ridge, Randburg



"We can't wait to see your Smile!"



VERLOOP BUILDING

 **ALEX VERLOOP**
083 400 2766
abwverloop@gmail.com

www.verloopbuilding.co.za

www.facebook.com/VerloopBuilding/

2 Nicolyn Avenue, Ruiterhof, Randburg

QUALITY AND EFFICIENT WORKMANSHIP GUARANTEED

SERVICES

- Building alterations
- Revamping bathrooms
- Rhinolite
- Tiling / Cladding
- Carpentry
- Electrical
- Plumbing
- Painting
- Ceilings
- Water and damp proofing

KOM GENIET 'N HEERLIKE KUIER
BY NG KERK LINDENPARK SE

Lente

KERKBASAAR

Datum: 7 September 2019

Tyd: 09h00 - 14h00

VIER DIE LENTE SAAM MET ONS
EN GENIET 'N HEERLIKE OGGEND VAN GESELLIG KUIER.

BASAAR BEDERF TE KOOP

BASAARPOEDING, PANNEKOEK, BRAAI, KERRIE & RYS,
GEVULDE VETKOEKE, TEETUIN & SMULLEKKER
TUISGEBakte LEKKERNYE...

AKTIWITEITE

KINDERVERMAAK, SKYFSKIET, WIT OLIFANT, BOEKE,
VERSKEIDENE NUTTIG EN KUNSTIGE BUITESTALLETJIES.

KONTAK VIR VERDERE NAVRAE:

Die Kerkkantoor: 011 782 0203
Ronel Fourie info@lindenpark.co.za

n/v Central en Bram Fischer, Linden Uitbr, Randburg

RANDJIE NETBAL STERREREKES

16 & 17 SEPTEMBER

ALLE LAERSKOOL LEERERS VANAF GR 5 TOT 7

DAG 1 – 16 SEPT. – VAARDIGHEDE

DAG 2 – 17 SEPT. – RONDONTALIE

WEDSTRYDE

BY HOËRSKOOL RANDBURG

TYD 14:30 – 17:00

Vir meer inligting kontak ons gerus by Jackie.kruger@hsrandburg.co.za of
Michelle.coetsee@hsrandburg.co.za



RANDJIE HOKKIE

STERREREEKS

18 & 19 SEPTEMBER 2019

ALLE LAERSKOOL LEERDERS VAN GR 5 - 7

DAG 1 – 18 SEPT: VAARDIGHEDE & WEDSTRYDE

DAG 2 – 19 SEPT: VAARDIGHEDE KOMPETISIE &
WEDSTRYDE



HOëRSKOOL RANDBURG

SPORTSENTRUM

14:30 – 17:00

Vir meer inligting kontak gerus vir Sanmarie de Kock by
sanmarie.dekock@hsrandburg.co.za



Inspirasiedag

Saterdag 14 September 09:00 – 12:00

Nooit terug ... altyd vorentoe!

Pieter de Villiers

**Kies om positief te leef vir die
toekoms ... ja, dit is regtig moontlik
en baie nodig in 2019.**



NG Kerk Randburg

h/v Doverstraat en Vinelaan, Ferndale.

Geen koste. Nooi die vriende, familie en kollegas.

Bespreek plek per e-pos (ngrburg@mweb.co.za) of SMS (082 552 5093).

'n Oggend van inspirasie vir elkeen – ongeag ouderdom of omstandighede!

Die ontwikkeling van Durf, Volharding (Grit), Veerkragtigheid (Resilience) en Emosionele Intelligensie (EQ) by kinders

In vandag se uitdagende wêreld wat verskeie eise stel aan ons kinders, is dit toenemend belangrik dat hulle oor die eienskappe van durf, volharding (grit), veerkragtigheid (resilience) en emosionele intelligensie (EQ) beskik. Al hierdie eienskappe kan ontwikkel word by kinders.

Kom luister gerus na 'n praatjie oor hoe om hierdie karaktereieskappe in jou kind te ontwikkel. Hierdie praatjie word aangebied deur

Dr Jopie De Beer, 'n sielkundige wat internasionaal erken word as deskundige op hierdie gebied. Dr De Beer is een van die stigters van die JvR groep van maatskappye wat onder andere psigometrie toetse aan sielkundiges, opvoedkundigesielkundiges, sosialewerkers, arbeidsterapeute en bedryfsielkundiges verskaf. Hulle verskaf ook sielkundige dienste aan individue en die korporatiewe wêreld.



Datum: 10 Oktober 2019

Tyd: 18h00 – 20h00

Plek: Domus Dei Kerk (Voorheen Randburg-Suid)
Daar is twee ingange: (1) 30 Jeanweg en (2) 41 Malcolmweg,
Blairgowrie
Sekuriteit word verskaf by parkeerareas

Koste: Gratis

RSVP: Sandra | Tel: (011) 787 4004 (slegs tussen 9.00 en 13.00)
of 072 306 4727 of randburgsuid@hotmail.co.za